

34.4.E.11.
3
51
SYNESI

EPISCOPI

CYRENES

AD ARCADIVM

IMPERATOREM

LIBER,

DE REGNO BENE

ADMINISTRANDO,

Stanislao Ilouio Polono Interprete,

AD AMPLISSIMVM, AC REVERENDVM.

PETRV MISCOVIVM.



Venetijs, Apud Baptistam Somaſcum.

M D LXIII.

SYNOPSIS

EPISCOPAL

CYRUS

AD ALEXANDRIAM

IMPERATOREM

LITERA,

DE REGNO REGE

ADMINISTRANDO,

Stavros Iovio Tolono Interprete,

AD IMPRESSUM, AC REPERTORIUM.

PETRI NISIOVIANI.



Venerabilis, Apud Basilicam Constantinensem.

M D LXXII.

AMPLISS. AC REVERENDO
D. PETRO MISCOVIO,
GNESNENSI, PLOCEN. LENCICIEN.
PRAEPOSITO, ATQVE SUPREMO IN-
VICTISS. REGIS POLONORVM
SECRETARIO,
STANISLAVS ILOVIVS
S. D.



X his omnibus, Miscoui am-
plissime, qui de genere huma-
no benè mereri student, illi
primas mihi partes meritò
tenere videntur, qui studium
suum ad principes instituen-
dos, atque erudiendos conferunt. nam si eorum,
animus ad officium & ad virtutem institutus &
informatus fuerit, probè mehercule reliqua etiam
omnia sese habebunt. sin minus, multis malis ac
calamitatibus qui in ditione eorum sunt & im-
perio, afficiantur necesse est. ut enim capite agro
totum corpus labascere solet, ita etiam principe,
qui eorum quibus praeest veluti caput quoddam
est, perperam informato, omnes sui vacillant.
adde quòd prauis moribus principum inscisci solet

tot a ciuitas, sicuti emendari & corrigi bonis; quo-
niam quibus rebus hi sese dedunt, iisdem ceteri
omnes, illorum exemplum imitati, tenentur. Hoc
cum antiquissimi illi philosophi intelligerent, om-
nem curam & diligentiam in eorum honesta insti-
tutione ponebant: proinde eorum alij in aulis re-
gum versabantur, ut suis eos preceptis & institu-
tis ornarent. quod a Platone, Antisthene, & alijs
quàm plurimis, factum esse accepimus: alij verò
quibus integrum non erat principibus presentibus
operam dare, literarum monumentis, qua illis uia
& ratio in regendis populis esset ineunda, prode-
bant, ut Isocrates, ut Theophrastus, ut etiam hic
noster Synesius: qui pontifex Cyrenensium & sie-
rat, multisq; & magnis negotijs distentus, agre-
gium tamen hunc librum ^{scripsi} ^{basiliensis} nobis scriptū
reliquit. in quem cum his liberalibus, quibus se
homines studiosi à literis grauioribus ad Musas
mansuetiores referre solent, incidissem, eaq; in-
scriptione allectus auidissime percurrissem, dif-
ficile dictū est, quantum mihi eruditione, quan-
tum prudentia satisfecerit: neque id fortasse in-
iuria: tanta enim in eius sermone copia, tanta in
preceptis de virtute dandis elucet grauitas, ut
eum hoc in genere ceteris omnibus anteferre non
dubitem.

dubitem non enim ille tetrarcham aliquem, aut regem, sed Romanorum ipsum imperatorem, in cuius regno & potestate, omnes totius Europæ, Africa, & Asia populi erant; neque ethnicum principem, sed christianum Imperatorem, suscepit instituendum, cuius propè imaginem nobis in hoc libro veluti in tabula quadam expressit. Quantum verò intersit inter regem qui veterum disciplina imbutus omnia ad gloriam, & ad opinionem hominum referat, & eum, qui more nostro omnia ad Christi doctrinam applicet, actionesq; omnes suas pietate & religione metiatur, tu ipse optimè nosti, qui & veterum philosophorum, & nostrorum Theologorum scripta summa cum diligentia euolvisti. Mihi quidem hac imprimis de causa adeò probatus est Synesii hic liber, ut me tenere non potuerim, quin eum, quanquam obscurissimum & multis difficultatibus ad intelligendum impeditum, in Latinum sermonem transferrem: est enim adeò spinosa, adeò contracta eius oratio, ut non modo latine commodè verti, sed vix intelligi aut percipi vel ab eruditissimis hominibus possit. verum cum me non prateriret, summam utilitatem & laudem, semper cum summo labore esse coniunctam, non

sum

sum passus me ullis angustijs à sententia mea deduci: quòd ita mecum statuerem, qui in rebus honestis parandis, aut difficultati cedit, aut labore frangitur, nihil eum unquam praeclarum, nihil laude dignum, efficere posse. Summo itaque studio & diligentia adhibita, librum latinum feci, & quoniam eum ex usu multis fore iudicaui, in lucem etiam protuli. Cur autem eum tuo clarissimo nomini inscripserim, patere, obsecro, me paulò altius causam & rationem repetere. Ego Misconi optime, cum adhuc admodum adolescens Cracoviae bonis literis instituer, memini me tum saepius de virtutibus tuis varijs multos pradicantes audisse, qui cum singularem industriam tuam, incredibilem humanitatem, eximiam prudentiam in caelum extulissent: te praeerea doctrina, te scientia morum, & usu rerum, inter viros tui ordinis in quo tum eras, facile principem esse affirmabant. quo laudum tuarum praconio ita iam tum eram ad te observandum & colendum incitatus, ut neminem mortalium pluris facerem, neminem diligentius quam te observarem. nec sane immerito; ea est enim vis virtutis, ut etiam eos quos nunquam vidimus, suspicere, ac in oculis ferre cogamur

cogamur quis enim est qui Aristidem ob iustitiam, qui Cimonem ob liberalitatem, qui Phocionem ob summum studium in patriam, qui viri innumerabilibus propè ante nos seculis in Græcia floruerunt, non amet. Et laudet? inimicorum nostrorum virtutes medijsfidijs, non amplecti non possumus. Proinde non tibi mirum videri debet, si ego iam multis ab annis ob eximiam animi tui præstantiam, tanti te fecerim, tantumq; observauerim, quantum profectò, vel nullus vel omnino pauci. Sed dici tamen nõ potest, quanta accessio hoc tempore facta sit, ad pristinam illam meam in te observantiam. nam antea quidem faciebam te plurimi, sed ut virum eximia eruditione ac prudentia clarum, non ut herum et patronum. nunc autem postquam amplissimus princeps meus Ioannes Præmibijs Archiepiscopus Gnesnensis, & vita decessit, te ego unum ex omnibus delecti, cui post illius mortem me totum addicerem, cuiq; omne studium meum, operam, diligentiam omnibus in rebus deferrem, cui deniq; inservirem, ac mea omnia traderem. videbã enim principe meo summa pietatis ac probitatis viro extincto, nostram in Repub. quasi lumen aliquod elucere excellentes virtutes tuas. Quare te etiam

atq;

atq; etiam uehementer oro, ut tibi sic de me per-
suadeas, ex his qui te obseruant & colunt, qui id
sanctius, et diligentius quam ego faciat, esse nemi-
nem. Huius uero singularis mea erga te obseruan-
tia & officij, ut aliquod signum haberes, hunc Syne-
si librum tibi mittere uolui: pusillum munus illud
quidem, & cuius me tantum non pudet, sed a te
pro tua summa in omnes benignitate, non ex se,
sed ex eius a quo mittitur animo ponderandum.
Quod si tibi hoc quidquid est probari, ac gratum
esse intellexero, omnibus uiribus contendam, ut
propediem omnes Synesi uigilia, eo genere sermo-
nis in nomine tuo appareant. uerum hac hacte-
nus. Extremum illud est, Miscoui humanissime,
ut te rogem, quod quidem enixe facio, uti me in
numero tuorum esse patiaris. id si ero consecu-
tus, & praeclare mecum actum esse existimabo, &
omnes in partes enitar, ut intelligas te, clientem
habere gratum, & fide, ac obseruantia erga te,
omnesq; tuos nemini concedentem. Vale am-
plissime patrone, nosq; tuo patrocinio tuere. Idi-
bus Febr. M. D. LXIII.

Patavio.

*Synesii Cyrenai vita ex
Suida.*



YNESIUS episcopus è Ptolemaide Pentapolis oriundus est. Is cum iam philosophus sacris esset initiatus, varios libros, cum de Grammatica, tum de Philosophia græcè conscripsit. multas etiam orationes de regno ac panegyricos confecit. Scripsit præterea encomium caluitiei, ac summæ admirationis de prouidentia librum, & alios quamplurimos ac diuersi generis, & epistolas ingenij atq; eruditionis plenas. Hæc ex Suida.

*Eiusdem vita ex Euagrio
Scholastico.*

IStam mihi historiam magno cum labore scribenti, agè prodeat etiam in medium Synesius Cyrenæus, vt orationem nostram sua ipse memoria ornet. Erat hic Synesius cum alijs in omnibus disciplinis eruditus, tum vel maximè in philosophia, in qua tantos progressus fecerat, vt summa in admiratione apud homines Christianos esset: cui neque amore, neq; odio adducti vllò, ea quæ cernuntur iudicant. Persuaserant itaque ei, ut se salutari lotionè ablueret, ac onus sacerdotij susciperet, cum nondum dogmati de resurrectione mortuorum assensisset. Augurabantur enim sanctissimi homines eum reliquis suis virtutibus facillè hoc quoque consequuturum, præsertim cum diuina gratia nulla parte manca esse possit. nec sanè eos spes fefellit, nam qualis hic & quantus fuerit, testantur cum epistolæ eius, quas doctè & eleganter post initum sacerdotium elucubrauit, tum etiam liber ad Theodosium, ac ceteræ eius vtilissimæ vigilæ, quæ circumferuntur. Hæc Euagrius.

Yn die Gynne, cith ex
Zuid.

Yn die Gynne, cith ex Zuid.
Yn die Gynne, cith ex Zuid.
Yn die Gynne, cith ex Zuid.
Yn die Gynne, cith ex Zuid.
Yn die Gynne, cith ex Zuid.
Yn die Gynne, cith ex Zuid.
Yn die Gynne, cith ex Zuid.
Yn die Gynne, cith ex Zuid.
Yn die Gynne, cith ex Zuid.
Yn die Gynne, cith ex Zuid.

Yn die Gynne, cith ex Zuid.
Schellicke.

Yn die Gynne, cith ex Zuid.
Yn die Gynne, cith ex Zuid.
Yn die Gynne, cith ex Zuid.
Yn die Gynne, cith ex Zuid.
Yn die Gynne, cith ex Zuid.
Yn die Gynne, cith ex Zuid.
Yn die Gynne, cith ex Zuid.
Yn die Gynne, cith ex Zuid.
Yn die Gynne, cith ex Zuid.
Yn die Gynne, cith ex Zuid.

SYNESI

AD ARCADIVM

IMPERATOREM

DE REGNO LIBER,

STANISLAO ILOVIO.

Polono Interprete

N. VERO, nisi quis ab vrbe ampla & opulenta veniat, & orationem magnificam ac perelegantem afferat, qualem Rhetorica & Poetica edere solent, populares nimirum artes, populares sceleris, eum cum huc se contulerit vultum demittere oportet? ut potè cui potestas facta non sit in aula, non modò liberè loquendi, sed nè hiscendi quidem, cum non habeat patriam illustrem, neque disputationes de rebus iucundis, quales hic quotidie haberi solent, in medium proferat, quæ & ipsum Imperatorè, & eos qui illi in consilio adsunt voluntate perfundere possint. An etiam aliquando Philosophiam aduenientè recipietis, & quis vestrū ipsam agnosceret, quæ hic post tam longum intervallum temporis apparet, ac tanquam hospitem benignè excipiet, de eaq; honorificè loquetur apud eos, apud quos decet hos enim desiderat honores, non ipsa quidem sua causa, sed vestra, ne despectui habita nihil utilitatis & adiumenti vobis afferat. Atq; ipsa quidem vobis afferet sermones, non hilares illos quidem, nec qui voluptate afficiant adolecentes: quippe cum eius oratio neque natura sua disfluat, neque verborum ornatu fucatam pulchritudinem ostendet: sed

alterius cuiusdam grauioris, atque diuiniore generis, viriles inquam & graues, & eam gratiam recusantes, quæ assentionis ergo à principibus proficisci solet. Hi verò sermones adeo impertinēti, ac intrepidi sunt, & à regum palatijs alieni, vt se fore contentos negent, etiam si quis eis hoc dederit, ne omnia ex omni parte regis acta, neue regem ipsum collaudent; sed denuntiant se, si quando res feret, molestiam exhibituros, ac minitantur in reprehendendo quāmaximè acerbos fore: si modo aliquem ita molestia affectum, ad frugem se reuocare posse viderint. Oratio profecto libera, regis auribus magnæ estimanda est. Nam laus illa quæ temerè quamlibet ob rem tribuitur, quamuis lætitiā faciat, nocet tamen plurimum, similisq; mihi videtur pharmacis illis, quæ improbi hominēs melle obliti, ijs quos perdere volunt, portigunt. An nescis coquinarum condimenta & irritamenta quædam famis adulterinæ parando, corporibus humanis obesse? artem verò exercitatricem ac medendi, quamuis ab initio molestiam aliquā pariant, postremò tamen hominem seruare. Ego itaq; te saluum esse volo, etiam si tibi salus tua molesta futura sit. Nam vt sal carnes sua vi constringens, ipsas non patitur disfluere, sic adolescentis Imperatoris animum, quem principatus potentia huc, & illuc rapit, orationis veritas coercet. Quæ de causa æquū est, nos nouum hoc, atque peregrinum orationis genus ferre, neq; prius rusticitatis condemnare, aut dicendi silentium imponere, quā paulò longius processerit, eò quod lepori non seruiat, nec iuuenēs rebus ludicris tenere studeat, sed quod sit quasi quædam magistra morum, quodque grauis sit eius congressio, quod si consuetudinem eius patienti animo sustinere poteritis, etsi nondum aures vestræ illis laudibus, quibus patere solent delinitæ, atque deprauatæ sunt, Ecce me tibi, quem mittit Cyrenæ, caput ut auro coronem tuum animum verò philosophia. Cyrene inquam vrbs Greca, & quidem vetusta ac venerabilis, veterumq; poetarum versibus clarissima, nunc verò egens, abiecta, ac parietinis plena, quæque ope ac auxilio Imperatoris opus habeat, si velit aliquid an

Si qua illa sua laude dignum præstare. huic tu nostro malo facielle si voles medicinam facies, in manu tua enim est, ut ab ampla & beata quondam patria mea alteram tibi coronam apponam. Oratio autem nostra, ne nunc quidem splendorem, ac ornamentum civitatis desiderat, ut liberè, & fidenter cum Imperatore verba facere audeat. Veritas enim, orationis splendor maximus est, nec propter locum ulla adhuc oratio, uel tuius, uel illustrior extitit. Quare deo optimo iuvante ad rem ipsam explicandam veniamus, orationemque, uel ut uerius dicam, actionem omnium pulcherrimam aggrediamur. Qui enim id studet, ut unus Imperator optimus sit, is meherculè breuissimam inuiam, ut omnes familias, omnes civitates, omnes nationes, siue paruas, siue magnas, siue propinquas, siue longinquas instituat, atque corrigat. Nam utcumque fuerit conformatus Imperatoris animus, eius omnes esse participes necesse est. Placet nè igitur sic principio faciamus, ut orationem meam æquo animo audias? hominis enim prudētis est, non perterritæ facere feram, si quando uenatum ierit. Exponamus igitur, quæ Imperatorem agere conueniat, quæ non conueniat, & proponamus ipsi simul quæ honesta sint, & quæ turpia, ut hæc sequi, illa uitare possit. Tu uero ad turpia & honesta animum appellens, ubi cognoueris quid te maximè deceat, & quid dedecet, hoc reijcias, illud amplectare, quasi à philosophia comprobatum sit. atque cogita hoc tibi semper faciendum esse, illud uero non amplius unquam. Cum autem de his sermonem habebo, tum tui si quid egeris, quod te dignum non est, cuius & nos, & tu ipse tibi conscius es, facito ut erubescas, atque tibi ipsi succenseas, ne appareat esse in te, quod te est indignum. Verecundia enim & rubor hic, virtutis ex poenitentia maximum est inditium, atque hic verecundia est, & Hesiodo videtur, planè diuina. Ille autem qui suis in erratis persistit, & quem pudet suam inscitiam fateri, is nullum fructum feret ex poenitentia, neque huic oratione, quæ illum morbo liberet, opus est, sed talem potius uir sapiens poenā dignum esse dixerit. Sic sane o Imperator in ipso exorsu aspera & diffici-

& difficilis tractatu philosophia est. idè enim iam nonnullos
 vòstrum perturbari, istamque libertatem dicendi grauitè &
 iniquo animo ferre. At ego pollicitus eram me in principio
 orationis meæ molestum fore: quare uestrum erat, qui id ante
 animo perceperatis, uos munire, atque isti conatui fortiter ire
 obuiam. Quamquam tu hæc libenter audire soles, omnesque
 id de te prædicant, in quo ego etiam tibi lubens assentior,
 Nullum esse qui tam amplum Imperium possideat, quàm tu, tan-
 tisque te opibus circumfluere, ut iam ipsum etiam Darium ló-
 gè prætereas, ac nullum esse qui plures equites alat, aut peritos
 sagittarios & loricatoros, quibus si strenuus dux esset, nulla res
 esset tanta, quæ illis resistere posset. Ciuitates præterea tam
 multæ te colunt & obseruant, ut uix aut ne uix quidem nume-
 rando percenseri possint, quarum plurimæ sunt, quæ te neque
 præsentem aspectu perceperunt, nec se vnquam visuras spe-
 rant, eo quod spectaculum hoc augustius ducant, quàm vt o-
 ptare audeant. hæc ita se habere etiam nos fallimur. Quid igitur
 est in quo nostra ab illorum discrepet sententia? in eo nimi-
 rum quòd te illi inde summis laudibus in cælum ferunt, bea-
 tumque prædicant: ego verò ex eo minimè te laudibus ornaue-
 ro, sed rectissimè beatum prædicauero, non est enim eadem
 causâ, quare aliquem laudare velimus, & beatum censere, sed
 diuersa. Nam beati prædicantur ij, qui bonis externis prædi-
 ti sunt, laudibus verò efferuntur illi, qui bonis internis, in qui-
 bus foelicitas ipsa sita est: Ac beatitas quidem fallax fortunæ
 donum est, laus autem eorum bonorum, quæ propriè nostra
 sunt. atque eam ob causam laudatio vi sua stabilis est, prospè-
 ritas autem fluxa & caduca, & sæpe breui temporis momento
 in contrariam partem commutatur. ad quam quidem conser-
 uandam diuino auxilio, ingenio summo, arte, occasione, mul-
 tis denique actionibus ac varijs opus est: quarum neque expe-
 rientia vlla est, neque etiam faciles sunt ad exponendum. Non
 enim quemadmodum nullo labere hominibus beatitudo ad-
 uenit, sic etiam nullo negotio tenetur. Enimuero vides qui-
 bus vitæ generibus Tragedorum scenæ refertæ sunt: nam non
 his

his calamitatibus, quibus affliguntur homines priuati, paruifque opibus præditi, uerum his in quas homines omni genere copiarum abundantes diuinitæ scilicet & reges uenire solent. Parua enim domus magnam calamitatem non capit, neque in mendicium magna infortunia cadunt: sed qui florentis fortuna illustris est, hic etiam periculis, atque rebus aduersis clarus esse potest. Saepe etiam uirtus initium fuit secundæ fortunæ, & laus beatitudinem præcessit, quasi erubescere fortuna, si debitum testimonium præstantissimis uirtutibus non tribuerit. Quod si exemplis hoc corroborandum est, ne ea quidem fors petamus, sed ueniat tibi in mentem pater tuus, cui imperium uirtutis quasi mercedem datum fuisse cognosces. Fortuna autem uirtutis causa nunquam extitit: uerum extiterunt nonnulli, qui fortuna ueluti instrumento quodam ad uirtutem consequendam ufi sunt. in quorum numero utinam tu ò Imperator sis, ne etiã hoc loco philosophia in uerbis faciendis operam perdat. Eo nomine præclarum ducito imperium, quod uirtutem suam excoluerit, quodq; tibi materiem talem præbuit, quæ amplitudini tuæ responderet, quam aliquis in minori fortuna constitutus capere non posset. Danda est igitur opera, ut animum regij virtutibus exornes, & fortunæ patrociniū suscipiendum est, ne imprudenter fecisse videatur, quod non eadem tibi initia imperandi cum patre fuerint. hic enim militiæ laboribus regnum cōsequutus est, tu uerò postquàm imperium es adeptus, bellum geris, & uirtutem tuam fortunæ acceptam referre debes. ille bona per summum laborem sibi quaesiuit, tu autem si ne labore hæreditario iure ea accepisti. Sed magno labore opus est, ut ea tuearis, & hoc est quod iam dudum dico difficile linum esse, magnaq; uigilantia egere, ne id quod fors facere consueuit conuertat se in medio itinere, quemadmodum improbi comites solent: Cum his enim uagam & inconstantem fortunam sapientissimi viri contulerunt. Id ex patris tui euentis facillè intelligi potest, qui quanquam ob res benè gestas declaratus sit Imperator, non tamen inuidia permisit, ut extremum uitæ tempus sine laboribus traduceret: neq; tamen Deus coronæ

coronæ expertem illum reliquit: nam profectus contra duos
 Tyrannos, ijs fufis, in ipso puncto trophei fecundi è vita de-
 cessit, nulli mortalium, sed naturæ cedens, aduersus quam ne-
 que arma ulla valent, neque mens sagax quicquam excogitare
 potest. Ac sanè virtus ipsum ad sepulchrum usq; comitata est,
 cum vobis imperium maximè pacatum, ac tranquillum reli-
 querit, quod vobis incolume virtus, & per virtutem Deus ser-
 uabit. Nam cum omni in re, ac omnibus hominibus diuino au-
 xilio opus est, tum uel maxime ijs, qui suo Marte, & industria
 imperium sibi non pepererint, sed quos fortuna hæredes im-
 perij fecit, vti vos. Cuius cui maximam partem Deus tribuit,
 & quem adhuc ualde puerum summum Imperatorem appella-
 ri voluit: is maximè omnem laborem suscipere, omnem desi-
 diam abiicere debet, paululum somno, plurimum verò curis
 deditus esse, si modò nomine imperatorio dignè affici uelit. Ve-
 rum enim est illud vetus dictum, non multitudinem eorum, qui
 imperio parent, magis facere Imperatorem, quàm Tyrannum.
 nam neque ouium multitudo magis pastorem facit, quàm co-
 quum, qui ipsas ideo agit, vt in minutas partes secet, quò &
 ipse se expleat, & alijs uoranilas præbeat. pari interuallo dico
 Tyrannum & Regem inter se distare, quamuis uterq; eorum
 iisdem fortunæ bonis affectus sit: vtrique enim eorum in mul-
 tos homines imperium est. Sed profectò qui se ad res hone-
 stas eorum, quibus præest accommodat, quiq; id vel maximè la-
 borat, nè illi aliqua calamitate affligantur, & qui se omnibus
 periculis obijcit, vt securè & liberè sui uitam agant, tum qui
 omni cura & vigilijs contendit, nè vllò tempore sui aliquam
 molestiam capiant, hic est inter pecudes pastor, inter homines
 uerò rex. Quicumque autem imperio ad luxum abutitur, &
 potestatem ad voluptates perfruendas confert, ratus oportere
 se omnes suas libidines etiam cum lachrimis populi explere;
 & qui existimant hunc fructum imperij esse uel maximum; vt à
 multis animi sui voluptates foueantur, & vt vno verbo omnia
 complectar, qui gregem non saginat sed ipse à grege saginari
 vult, cum inter pecudes coquum, inter homines autem Ty-
 rannum

ranum appello. Hanc igitur tibi unam in imperando normam propone, ad eamq; te ipsum dirige, visite convenientem esse videris, tum iure optima Imperatorium nomen tibi usurpato: In minus, da operam ut his quæ praua sunt correctionem adhibeas, & normæ te adaptes. non enim despero quin ætas tua facile omnem accessionem uirtutis capere possit, si modo aliquis eam ad uirtutis studium excitauerit, atque inflammauerit. Magna enim est uis adolescentiæ in utranque partem, & perinde ac fluij in eam partem maiori cum impetu prorumpunt, ubi ipsis defluxus patet. atque ideo maxime opus est adolescenti Imperatori philosophia, quæ ipsum vel adiuuet ad uirtutem assequendam, vel à uicio, quod utrinque positum est, reuocet. Alia enim uitia, alijs uirtutibus vicina sunt, & ab omni uirtute lubricus est, non ad uirtutem, sed ad uicinum uirium lapsus. Regnò uerò Tyrannis ita finitima est, ut fortitudini audacia liberalitati profusio, & magnanimus, nili à philosophia intra uirtutis cancellos contineatur, sique paululum modo se extulerit pro magnanimo ostentator & nisi abiectoque animo euadet. Nec ullum aliud uitium regni caue ut pertimescas, quàm Tyrannidem, ad quam cognoscendam utere ijs signis quæ à nobis allata sunt. Præcipuum autem scito esse hoc, quòd Regis uoluntas moresq; legi parent, Tyranni uerò imperant. Imperium quidè quæsi communis quædam materies proposita est ambobus, etiam si genere uitæ differant. Fortunatiss. itaque & felicissimus quisque est, cuius ad uoluntatem omnia natura sunt, uoluntas uerò prudentiæ optemperat, & cum sit domina rerum externarum, principatû tamen concedit potiori illi contubernati nempe prudentiæ, & ab ea rerum agendarum qua si tesseram expectat. Non enim imperium ad bene beatæque uiuendum satis est, neque Deus in uiribus beatitudinem collocauit, sed oportet adesse, immo uerò potius ante suppetere prudentiam, quæ quàm rectissime potentia utatur. Atque ego hunc & uirum, & uitam omnibus numeris absolutam esse statuo, quæ utrinque perfecta est, nec ex altera parte claudicat, & ubi is imperat, qui imperandi artem tenet. Prudentia qui-

dem, & uires si coniunctæ fuerint, inexpugnabiles sunt: si di-
 suntæ fuerint, ut uel uis, sine prudentia, uel prudentia sine
 uiribus reperiatur, facile uinci, atque expugnari poterunt. Hinc
 ego prudentiam Aegyptiorum in eo admirari soleo, quod Mer-
 curij effigiem duplicem effingere soleant, iuuenemque iuxta
 senem collocent. quo significare uolunt cum qui alijs recte im-
 perare uolet, debere prudentiam cum uiribus habere. coniun-
 ctam, existimantes alteram sine altera mancā atque inutilem
 esse. Eadem etiam de causa sphingis effigies ab ipsis in uestibu-
 lis templorum collocatur, ut declaret uirtutes omnes inter se
 uinculo quodam connexas, atque constrictas esse, nam fera ro-
 bur significat, homo prudentiam, robur enim sine prudentia fu-
 ror quidam est, omniaque miscet ac perturbat, & mens si non
 habeat manus administras ad res agendas inepta est. Ornamen-
 tum itaque regium omnes quidem uirtutes sunt, sed omnium
 maximè regia prudentia est: hanc tu in consilium tuum adhi-
 beas, eam enim consequetur, ueluti principem ac maiorem
 natu inter sorores omnis perfectio, ac, mox deinde cæteras om-
 nes uirtutes & uictus & belli socias habebis. Hoc unum iam di-
 cam, quod quidem uobis primo aspectu absurdum uidebitur,
 cum tamen uerissimum sit, quando ego imbecillitatem cum ui-
 ribus corporis pertendo, & paupertatem cum opibus, & re-
 rum omnium incommoda cum commodis, hæc si nuda ac sine
 prudentia expendantur, paupertas, mehercule, & imbecilli-
 tas, uitaque priuata in hominibus minimè prudentibus maxi-
 mo principatu foelicior existimanda est: minus enim homines
 peccant, cum facultatem exequendi, quod animo perceperint
 non habent. Nam externa bona, quæ ab Aristotile, & Platone,
 quos ego duces sequor, instrumenta uitæ uocantur, non minus
 uitiorum ministra sunt, quàm uirtutum. proinde etiam uiri hi
 duo, & omnes qui ab ipsis Philosophis fluxerunt, istis exter-
 nis bonis nec melius, nec deterius nomen dederunt: sed ea
 omnes instrumenta uocant quæ modo mala, modo bona ef-
 se possunt, pro ratione eorum qui eis utuntur. quare quem-
 admodum optabile est, ut homines improbi his instrumentis
 carcant

careant, ne his instructi res nefarias patrent, sic uicissim optandum, ut suppetant ijs, qui ea ad utilitatem omnium urbium, ac hominum priuatorum collaturi sint, ne uirtutis indoles otiosa ac inutilis marcescat, sed potius omnem uim suam ad homines beneficio complectendos conferat. sic tu etiam propositis istis bonis utere, nam nulla alia ratione his bonis uti poteris. Ex prudentia autem tua, & diligenti procuratione priuatorum domus, ciuitates, populi, gentes, terræ, fructum capiant; quam procurationem omnium rerum præpotens Deus uoluit esse imaginem prouidentiae suae, constituens se ipsum exemplar in ijs rebus, quæ ratione, & intellectu percipiuntur. ac sanè hæc mortalalia ad normam coelestium regi uult. Charus igitur magno illi regi & Imperatori, hoc est, ipsi Deo is est, qui eodem nomine inter mortales appellatur, si effecerit ut iure ita possit appellari. Censequetur autem hoc, si alterum nomen ex his, quæ Deo tribui solent sibi ascuerit. de quo antequam uerba faciam, non puto me uobis rem molestam facturum, si prius aliquid ex media philosophia depromptum attulero, quod ad hanc rem illustrandum facere poterit. Nullum profecto adhuc nomen inuentum est, quod Dei Opt. Max. naturam poenitus exprimeret, uerum cum humanos sensus effugiat, ex suis operibus eum student comprehendere; nam siue ipsum patrem opificem dixeris, siue alio quouis nomine appellaueris, si principium, si causam, ista omnia non sunt eius nomina propria, sed affectiones quædam ab his rebus deductæ, quæ ab ipso manant. Quare si illum regem nominaueris, comprehendere tu quidem conaris naturam eius ab ijs rebus sumpta appellatione, quibus imperat, non tamen ueram naturam, & personam ipsius attingis. Sed iam reliqua eius nomina, quæ distuleram in hoc tempus, uti me facturum receperam, exponere aggrediar. Quod nam est ergo eius nomen simile nomini regis, qui apud nos est, quod confirmet, & ostendat uerum esse ac genuinum Imperatorem, non autem falso ipsum appellari? Bonum scilicet Deum celebrant omnes ubique, tam sapientes, quam insipientes populi, atque in eo omnes inter se consentiunt, cum coe-

teris in rebus diffideant, opinionemque de numine diuino ac naturam eius incorruptam sententijs suis diuersis diuellunt. Veruntamen ea ipsa bonitas, quæ sine controuersia ulla ab omnibus ideo tribuitur, nondum indicat certum Dei naturam ac essentiam, sed est à posterioribus mutuo sumpta, non enim ut res quidam absoluta illa bonitas ad aures nostras peruenit, sed ex eo nomen accepit, quod ijs in quos confertur bona est. hæc enim est sententia illius nominis, quæ nihil aliud nobis declarat, quam esse Deum auctorem omnium bonorum. Et sanè præces etiam illo patrum nostrorum in caeremonijs sacris, quæ ad Deum fiunt, non potentiam ipsius extolluntur, sed procurationem prædicant atque uenerantur. Cum igitur Deus ea nobis largiatur, quæ ipsum largiri conuenit, naturam uitam, essentiam, mentem, & cœtera huiusmodi, quæ non sunt indigna, ut à Deo opt. max. in nos profiscantur, tuæ etiam erunt partes, non deserere stationem eam in qua collocatus es, neque his cognominibus quæ cum Deo communia habes notam ignorantie innurere ulla, sed totis uiribus efficere, ut Deum quoad possis imitatione exprimas, id erit si ciuitates omnes omni genere beneficiorum cumulaueris, si foelicitatem tantam in eos, qui tuæ editioni parent conferes, quantam quisque eorum capere poterit. Hoc si feceris tum te Regem magnum uere appellare poterimus, non honorem hunc consuetudini tribuentes, non utilitatem captantes, nec etiam iram deprecantes, sed sincero animi inditio annuentes, & lingua sine fraude animi sententiam interpretære. Sed iam oratione tibi Regem exprimam, ueluti simulachrum quoddam tibi ante oculos ponens, tu autem fac efficias ut moueri hoc simulachrum & uiuere uideatur, ad quod effingendum si res postulaueris, adhibebo ea, quæ ueteribus ac beatis uiris in mensum uenerunt, tu uerò nihilominus hæc quam alia libenter excipito, immo uero libentius, ut pote cum regem sine ullo dubio ea deceant, de quibus eadem sit ueterum ac recentiorum sententia. Simulachrum autem illius, ut inde ordiar basis firma sit ipsa pietas, super qua constituamus simulachrum nostrum, ne ulla uis unquam illud euertere possit. sed

sit. sed hæc quàmuis in ima simulachri parte collocabitur, ta-
 men in altum assurgit, & multis in locis, potissimum uerò in
 uertice conspicietur. Hinc uero exordium ducens assero Im-
 peratorem sibi ipsi primum imperare oportere, suoque ipsius
 in animo, ueluti monarchiam quandam instituire, non enim te
 præterire debet hominem multiplex quiddam atque diuersum
 esse. Deus enim omnipotens, tantam multitudinem potesta-
 tum, tanquam mixtam acuariam in unius hominis constitutio-
 nem contulit, ut homo sit ipsa hydra monstrosior, pluraq; ca-
 pira habeat, non enim eadem facultate intelligimus, appeti-
 mus, dolemus, irascimur, lætamur, timemus, sed uidet in alia
 parte hominis quiddam esse uirile, in alia quiddam effemina-
 tum, in alia fidensiam inesse, in alia timiditatem, ac ita mundo
 & eodem homine multa insunt, quæ prorsus inter se contraria
 sunt. Inest etiam quædam in nobis media, inter has pingues fa-
 cultates natura, quam mentem appellamus, istam ego in ani-
 mo regis imperare uolem, omnium perturbationum populari
 illa potestate cuersa. Hic enim Imperator ueluti à larg. suo hoc
 est à seipso auspiciatus, maxime secundum naturam imperabit,
 nam quicumque eas animi partes, quæ rationis expertes sunt,
 cicures & mansuetas reddiderit, easque ratione subiecerit,
 multiplicem illam cupiditatum uim ad sapiens imperium redi-
 gens, hic homo planè diuinus, hic priuatus, & Rex erit, sede
 Rex potius, quoniam hic uirtutem suam omnibus gentibus im-
 perit, illiusque bonis ac uirtutibus multi mortales fruuntur.
 In eo enim necesse est, ut sit animus quietus ac pacatus, & in-
 uolucris diuina quædam tranquillitas appareat, non enim est
 formidabile, sed potius uenerabile spectaculum is, qui eum,
 uerecundia quadam minime turbulenta deterret, amicos cum-
 dico bonos uiros dico, inimicos uerò & improbos perterre-
 facit. In animo autem talis Regis nullus locus est poenitentiae,
 quicquid enim agit, id agit de sententia & consilio omnium
 animi partium inter se consentientium, eo quod omnes animi
 partes quæ rationis imperium respiciunt, nec designantur par-
 tes, sicut que cum uno nimirum toto conspirare, quicunque

autem

autem partium istarum munia disiungit, facitque ut singula seorsum Imperare uelint, & ut possint suadendo commouere animantem, hominem hunc, in quo talis sit confusio nunc uidebis animo efferri, nunc deijci, nunc hoc appetere, nunc illud fugere, multis denique molestijs ac uoluptatibus in diuersas partes trahi, nec unquam sibi ipsi constare. Vnde illud apud poetam prolatum: quantum malorum sim patraturus scio, sed ira mentem tuncit & prudentiam. Agnoscebat enim hic diuersitatem, atque dissensionem facultatum animi, quæ pari potestate prædita essent. Proinde hoc uel maxime regale est, ut sibi ipsi Rex primum imperet, ac menti suæ, omnes perturbationes, quæ intus uelut quædam feræ sunt, subijciat. turpe etenim est infinitis hominibus imperare uelle, cum ipse turpissimis dominis seruiat, uoluptati, dolori, & quotquot eius generis feræ in animali uersantur. Cum ita fuerit animus Regis constitutus, tum primum congregietur cum propinquis & amicis suis, ac in eorum coetu de summa omnium rerum consultabit. hos uerè appellabit amicos, non utens simulationis nomine, neque ut solent ij, qui immanitatem, & seueritatem dominationis corrigunt, longè humaniore nomine quàm res ipsa patiatur. Quæ enim præstantior ac firmitior possessio Regi esse potest, quàm amici consuetudo? quis secundæ fortunæ iucundior socius? quis ad perferendas acerbitates turior, uel certior? quis in laudando minus fucatus? quis in admonendo minus molestus? Quod uerò magis illustre argumentum populo esse potest prudentiæ Imperatoris, quàm si uiderint Imperatorem familiares suos euehere ac beatos planè reddere? ita enim & externorum amorem sibi conciliabit, & omnes boni in amicitiam eius uenire contendent. Ea uerò omnia prorsus sunt in Tyrannis contraria, à quibus illud scitum prouerbum natum est. Procul à Ioue & fulmine. nam ex eo quòd ij suis familiaribus insidias tendunt satius esse ait in otio sine periculo uitam degere, quàm in negotio, & splendore cum periculo. Nemo enim unquam ob Tyranni familiaritatem beatus habitus est, at miserabiles multi ob inimicitias. Verùm in Rege longè aliter se

ter se res habet, is enim nouit Deum scipso contentum, nulla laborare penuria, & esse naturam principem, ac longe ante euntem eos, qui potestati eius subiecti sunt. Hominum autem natura, quæ multis & sui similibus imperat, cum satis esse non possit ad omnes res perspicendas; cum amicis se coniungendo, id quod deficit supplet, & potestatem suam cum multis communicat: hac enim ratione, & omnium oculis cernet, & omnium auribus audiet, & omnium denique consilij in unum tendentibus consultabit. Verum omni studio elaborandum est, omniaq; aulae arma, si fieri potest, ad eam rem conferenda sunt, ne fallat obrepens assentatio, amicitiae personam suscipiens. ab hac enim sola, etiam si uigilias agant pratoriani milites, diripitur, ac nascatur imperium; peruatit enim nisi ualde arceatur ad intima penetralia Regis, aggrediturq; illud, quod præcipuum, atque maximum est in Rege, animum scilicet ipsum. Amor quidem in suos non postremum locum tenet inter regias uirtutes: hic enim Cyrum illum, hic Agesilaum apud Græcos & barbaros claros ac nobiles reddidit. Atq; Rex quidem ipse statuet, quid agendum sit, sententiam uero suam amicorum auctoritate confirmabit, res uero ad exitum ut perducantur suum, multorum opera & studio opus est. Hactenus Regē effinximus, qualis intus esse debeat: nunc qualem foris cum esse decet dicendum est. Hinc oratio proficiscens Regem extra aulam producit, & post amicos tradit militibus, qui & ipsi ueluti secundi amici sunt, deinde eum in campo constituit, inquisitorem eum faciens, uirorum, armorum & equorum. Ac in campo quidem cum equite, equitem se præbebit, cum pedite decurret, cum milite grauis armaturæ armis contendet, cum cetrato peltale exercebit, cum milite leuis armaturæ iaculabitur, ut communione operum ad ueram ac germanam societatem illos alliciat, ne uel illis simulator esse uideatur commilitones eos appellando, sed ut re ipsa cognoscant uerè se dici commilitones, nomenque exactis ipsis ductum esse restituentur. Fortassis grauer & iniquo animo feres, quod tibi laborem imponimus, sed mihi crede laborem corpus Imperatoris minime attingere:

tingere: Cuius enim labores conspicui sunt, hunc labor minimè frangit: at Imperator dum corpus exercet, dum sub diò agitat, dum atàrem suam in armis traducit, omnibus gentibus spectaculo est: nam & præsentium oculi in hunc conijciuntur, idque temporis cum Imperator aliquid in conspectu omnium agit nullus aliud intueri vult, & absentium aures præclare rebus gestis imperatoris personant, celebrantur enim ab omnibus. Præterea Imperator frequenter in oculis militum uertendo, sanctam sibi & firmam beniuolentiam apud eos conciliat. Quod uerò firmitus regnum potest esse eo, quod amore ueluti moribus quibusdam ob uallatum est? quis porro priuatus, quis pauper securior ac magis tutus esse potest illo rege, quem non metuunt illi qui in eius regno & ditione sunt, sed cui metuunt? militare enim genus hominum & simplex est, & generosum, facileque consuetudine deuincitur. Vnde Plato ipsos custodes uocat, & canibus similes esse ait, qui eos quos semel uiderunt amant & obseruant, illos uerò quos nunquam aspectu percipere loco inimicorum habent. quid uerò turpius esse potest illo rege quem milites sui non de facie, sed ex picturis cognoscunt? Neque uero hanc solum Imperator utilitatem percipiet ex frequenti commercio cum militibus, quod exercitum unum ueluti corpus coniunctum circum se habebit, sed quod etiam illa, quæ illis temporibus, dum Imperator cum militibus est, geruntur, sint exercitationes quædam rerum bellicarum, & primordia ac præparationes ueræ expeditionis alicuius, quæ milites ad maiora longè ac eadem magis seria excitare atque inflammare solent. Non enim res parui momenti est, in ipso conspectu nominatim compellare & cohortari duces, centuriones signiferos, & milites nobiliores, ac eos qui in exercitus ordines ducunt. Vnde Homèrus quandam deorum in prælium græcorum adducens, ait ipsum, ictu sceptri, robore firmo animos iuuentutis impleuisse adeò ut animus eorum.

Pugnandi subito uehementi arderet amore. Ac sanè ita quidem omnes ardebant cupiditatè pugnandi, ut neque pedes, neque manus continere possent. nam illud Homeri: Infra pes, supraque

supraque manus gestire uidentur, nihil aliud significat, quam membra illorum sua sponte ad munera praelij obeunda commota fuisse. Hoc ipsum quoque, mea quidem sententia, Imperator efficiet, unumquemque nomine suo appellando: nam sic & cum qui non dum bellicum cauere audiuit ad studium laudis excitabit, & bellatorem peritum magis ac magis exacuet. nemo enim laborem non libenter non suscipit, si eius testem habeat imperatorem. Atque hanc compellationem Homerus existimasse uidetur Imperatori, tum belli, tum pacis tempore, esse longè utilissimum, qui cum animaduertisset quantum ualeat ad animos militum firmandos, ne gregarium quidem militem ab imperatore ignorari, fecit Agamemnonem, non solum nomine proprio appellantem milites, sed eundem fratri præcipere, ut in compellendis militibus etiam nominis paterni & gentis mentionem faciat, & ut eos summis laudibus ornet, uerè ipse se se efferrat. dum enim dicit ut eos laudibus extollat, nihil aliud uult, quàm ut honorificè commemoret, si quid egregiè aut prosperè, ab illis gestum esse intellexerit. Videri, quomodo Homerus faciat regem Agamemnonem etiam popularium suorum laudatorem, nec sine iniuria. Quis enim sanguinem suum non libenter profundet, si uiderit se ab Imperatore gloria & prædicatione efferrî? Atq; hunc sane fructum ferres ex frequenti usu militum, cognoscēs praterea mores uitamq; ipsorū, tum etiam, si usus uenerit, quo quisq; loco in acie aptè collocari possit. nam & hoc non esse negligendum censeo. Omnis enim Imperator est ueluti quidam artifex bellorum, perinde ac futor calceamentorum: quem si instrumenta artis suæ præterierint, ab omnibus ludibrio habebitur. Imperator uerò quomodo belli instrumentis, hoc est militibus utetur, si eos cognitos non habuerit? Sed quoniam me in hunc locum deduxit oratio, non puto me multum à scopo aberraturum, si aliquid, quod cū ea oratione, quæ in manibus est facere possit, ueluti per digressionem quorundam à præsentī tractatione in medium attulero. Nam potero fortasse animos impellere, diui, si faueant. ueracis enim præceptio prodest.

Dico igitur nullam aliam rem deteriore[m] fecisse rem Romanam, quam illum apparatus, & cultum, qui circa imperatorium corpus sumitur, quem illi nobis ueluti sacra facientes oc-
cultant, & quod uestra omnia barbaricum morem præferat. nullum enim habet ueritas cum simulatione cōmertium. Verū
tū id iniquo animo nē feras, nam tuum hoc non est, sed eorum
qui eius morbi auctores fuerunt, & qui hanc prauam consuetu-
dinem, ueluti per manus alijs ad imitandum tradiderunt. Itaq;
maiestas ista uestra, & hoc quod extimescitis, ne frequentius in
conspectum hominum prodeundo, similes illis efficiamini, fa-
cit, ut a uobis ipsis inclusi, atq; obsessi sitis, cum & paucissima
uideatis, & paucissima audiat, quibus ex rebus prudentia,
qua in actione consistit, colligitur, atq; comparatur. Ac sanē
cum solis corporis uoluptatibus omnia metiamini, atq; his ma-
xime belluinis, utpotē quæ solo tactu ac gustu percipiuntur, ui-
tam instar marini pulmonis cuiusdam agitis. dum autem homi-
nes esse non uultis, sed potius dii, ne hominis quidem perfe-
ctionem assequimini. Itaq; illi homines quorum consuetudi-
ne utimini, inter epulas & alijs omnibus temporibus, quibus-
quē aditus, magis in aulam, quam ducibus, & centurionibus
patet, quosq; ut elegantes ac uenusti sint tantopere ornatis.
homines istos dico qui paruis capitibus sunt, ac nulla propē
mentē, quos aberrans natura notis quibusdam falsis insigniuit,
non aliter ac improbi nūmularij adulterina numismata nec Im-
peratorī dono datur ullum munus, quod magis gratū sit, quam
monstruosus homo, & quantō monstruosius munus est, tantō
maiori in pretio habetur. Hi inquam homines eadē in re
risum edentes ac lachrimas profundentes, & uariis habitibus,
ac sonis, omnibus alijs deniq; rebus, quibus possuit, scurras a-
gentes, eximunt uobis tempus, & ut ipsius iacturam, faciatis
efficiunt, animiq; uestri caliginem, in quam eō incidistis, quod
naturam ducem in uiuendo non sequimini, multō maiore malo
deliniunt. horum uos mutilos conceptus, & uerba non cohe-
rentia libentius audire soletis, quam graues sententias alicuius
apertē loquentis, & lucidē, de promptas ex philosophia. Hunc
autem

autem fructum ex hac uestra præclara domestica latebra percipitis, quòd eam partem populi, quæ prudentior est, suspectam habetis, & quod spiritu regio apud illos utimini, at illis qui nullius consilij sunt aditus apertos, ad uos esse uultis, omniaq; uestra cum illis confertis. Verùm scire debebas, unamquamq; rem hisdem instrumentis augeri, quibus & constat, nam si animo lustres omnia ubiuis terrarum dilatata imperia, siue Parthorum, siue Macedonum, siue Persarum, siue antiquissimum illud Medorum, siue etiam hoc, in quo degimus, cognoscas homines plebeios, & milites eos qui sub dio agunt, ac humi in castris cubant, & qui neq; labori ulli parcunt, neq; uoluptatem sectantur, ea amplificasse, ac protulisse. Atq; homines cum res præstantes sibi summa cum diligentia parauerint, difficiliter eas, si prudentia absit, tenere possunt: uideretur enim florens fortuna, onus esse quouis plumbo ponderosius, ac facile eum, cui illud est impositum peruertit, nisi sit admodum robustus & ualens. Animi autem robur natura tribuit, exercitatio perficit, ad quam te Imperator philosophia hortatur, cauens ne id tibi aliquando contingat, quod cum ratione contingere solet. unumquodq; enim suis contrarijs dissoluitur. Neq; ego uelim, ut Imperator à ueteribus illis institutis Romanorum discedat, sed uetera cum dico, non quæ heri, aut paulò ante introducta sunt in rempublicam deprauatam dico, sed quæ Romani tùm seruare solebant, cum tantum Imperium sibi quesierunt. Nam cedò per genium Imperatorium, sed uide ut animo cõsistas, nèue perturberis, mordax enim hic sermo est, & molestus. Quo tempore existimas re Romanã meliorem in statu fuisse? An postquam purpureis, & aureis uestibus indui cœpistis, & gemmas ex montibus, ac mari procul auectas gestare? quas quidem partim calceis inseritis, partim cingulis apponitis, partim suspenditis, partim in fibulis uestium collocatis, partim etiam in sellis, atque ita sanè euastis spectaculum maximè uarium, omniq; genere colorum instar pauonum distinctum, Homericam uobis execrationem accersentes tunicae lapideæ. At uobis ne tunica illa quidem satis est. non enim ingredi uobis licet in curiam, cū

consulatum geritis, neque comitia obire, neque in alium confessum uenire potestis, nisi uestem talem induiti fueritis, ac tum profecto oēs homines, quibus fas est uos cernere in uos solos oculos conijciunt, quasi soli è numero senatorum beati sitis, cum soli onera magna auri & gemmarum gestetis. sed uos one re illo delectamini, perinde ac si quis aureis uinculis & præciofissimis compedibus constrictus, non sentiat tamen malum, neque putet se miseranda pati, aut in uinculis esse, magnificentia illa, quæ in calamitate inest, circumuentus; cum tamen nihilo facilius se moueri possit, ac ille qui in ligneas compedes, easque molestissimas coniectus est. Iam uerò uos ne pauimentum quidem tangitis, neque terram puram, sicuti cæteri mortales calcatis, sed necesse est eam arena aurea conspergere, quæ quidem nobis ex longinquis regionibus plaustris, & nauibus affertur. eorum uerò qui eam spargunt ingens numerus est. nec etiam regium esse existimatis, si calceamentorum coria delicata ac prætiosa non fuerint. Num ne igitur meliori statu sunt res uestre, ex quo istæ ceremoniæ ac religio circa imperatores consistit, & ex quo latebras queritis ueluti lacertæ quædam, quæ uix ad leporē solis, caput è latibulo exerunt, timentes ne ab hominibus deprehendantur, homines ipsi cum sitis? An tum cum Imperatores ipsi exercitus ducebant, in oculisque omnium uersabantur, sole perusti, & qui alijs in rebus satis simplici at tenui apparatu utebantur, non dithirambico aut tragico, pileos laticonicos gestantes? quos nunc pueri inter imagines cum cernunt rident, nec senes quidem omnes beatos eos fuisse existimant, sed si uobiscum pertendantur prorsus infœlices. At illi non muniendo ædes suas arcebant barbato, qui uel Asiam, uel Acuropam incolebant, sed eos rebus à se præclare gestis admonebant, regnum uti munirent suum, cum identidem traicerent, & euphratem contra Parthos, & Istrum contra Getas, Massagetæque Nunc uerò illi alia sibi nomina pro illis imponunt, nonnulli etiam ora sua arte mutant, quo uideantur nuper è terra genus ueluti quoddam nouum, & insolens prodixisse, iamque uos territare non dubitant, uicissim huc transeundo, atque pacem

cem pecunia redimere uos cogunt, nisi te uirum ostenderis. Verum iam desinamus, si placet, prisca cum presenti statu rerum conferre, ne dum monere uolumus, exprobare uobis hæc uideamus, ostendendo tantum res imperatorias splendoris ac dignitatis amisisse, quantum insolentia creuerint. Sed quemadmodum oratio nostra in ista uestra uarietate commemoranda plurimum uersata est, ita etiam aliquam partem sui tribuat ueterum imperatorum uitæ, quam siue rusticitatem, siue tenuitatem appelles, nihil impedio. rectè id fiet, si uita sumptuosa, & frugalis in medium producentur detractis uestibus. Nam si eas nudas conspexeris amore comprehendens mehercule uerā regiæ pulchritudinis formam, spreta atque repudiata adulterina. hanc scilicet opulentia & copijs magna ex parte descripsimus, illam uerò iisdem rebus describere non poterimus, rerum illius descriptio aliunde est petenda. non enim illa diuitijs circumfluit, quippe cum in his cumulandis, studium & operam non ponat suam. mores itaque potius imaginem illius expriment. Et quoniam omne facinus statim conspicitur, cum ipsius uitæ germinibus, quæ naturam ducem sequitur, ideo unius Imperatoris mores & facinus in medium proferre satis fuerit: nam unum exemplum reliqua omnia ad se trahet. Narratur ergo quidam ex non ualde antiquis, sed ex his quos nosse possunt aui eorum, qui nunc sunt ingrauescente ætate, nisi iuuenes admodum cum essent filios susceperint, & à iuuenibus filijs nomen aui acceperint. Narratur inquam, quendam ex illis imperatoribus in Arsacidam exercitum duxisse, qui Romanos iniuria affecerat, is cum limites Armeniorum attigisset, & antiquam hostilem regionem inuaderet cibum capessere uoluit, militibusque imperauit ut ea omnia absumerent quæ secum ferrent, ut potè qui ex proximis agris, si opus foret, cibaria congesturi essent. & cum hæc loqueretur digito illis ostendebat Parthorum agros. Hoc cum ille ageret ferunt legatos ab hostibus uenisse, qui quidem arbitrabantur debere se primum conuenire eos, qui apud imperatorem gratia plurimum possent, aut eorum familiares quosdam, & internuntios, atque ita existi-

stimabant se negotium suum apud Imperatorem paruo temporis spatio conficere non posse. at res longe aliter accidit, euenit enim ut in ipsum Imperatorem canantem inciderent. nondum enim erant pratoriani milites, & ex omni exercitu lectus quidam exercitus, & eximius, ætate florenti omnes, statura proceri, cesarie flaua, & prolixa, unguentis delibuto capite, nitida facie, gestantes clipeos argento, & hastas auro insignes, hos cum uidemus, Imperatorem adesse colligimus, non secus ac ex præeunte splendore Solem: uerum illo tempore uniuersa phalanx, quæ suum munus tuebatur satellitum erat & Imperatoris, & imperij Ipsi autem Imperatores simplici tum & uictu & habitu utebantur, nec ex ornatu, ac splendido habitu, sed ex animo potius Imperatores dicebantur. bonis internis à multitudine differebant. externis autem similes gregarijs militibus erant, quo in habitu aiunt Carinum à legatis illis conspectum fuisse, punicea enim erat tunica uestitus, & in gramine sedebat, coena autem erat illi uile pulmentum ex pisces, & in ipso frustula quædam falsa, ac rancida suillæ carnis. Cum autem legatos contempnisset, dicunt eum neque surrexisse, neque quidquam immutasse, sed illis accersitis dixisse, scire se eos ad se uenisse, se enim Carinum esse, iussitque, ut renuntiarent adolescenti suo regi, nisi illo die ad frugem redire uellet, effecturum se ut propediem conspiceret omnia nemora omniaque arua Carini capite longè nudiora, quæ cum dixisset ferunt eum pileo capiti detracto caput suum illis ostendisse, in quo non plus erat pilorum, quam in galea eius, quæ prope illum sita erat: quod si uerò esurirent, licere eis unà secum manus in patinam iniicere, sin minus, protinus è castris discederent, eò quòd iam legationem confecissent suam. Cum autem legati ea omnia quæ uiderant, & quæ acceperant suis retulissent, fama est hostium Imperatorem, cœterosque omnes ingenti horrore, ac metu perfosos fuisse. nec iniuria: uidebant enim sibi rem esse cum his uiris, quorum dux Imperator cum esset & caluus, non erubesceret tamen ad appositam patinam conuiuas uocasse: erunt itaque regem illum superbum metu fractum ad Carinum uenisse, & dixisse paratum se esse

se esse omnia eius imperata facere. Rex ille tiara & regia ueste ornatus, paratus erat ea omnia facere, quæ is, qui uili amiculo rectus erat & pileo, imperasset. Audis præterea, ut opinor, alterum Imperatorem Carino ætate inferiorem: non enim uerisimile est, quemquam esse, quem hoc prætereat: exploratione cum opus esset, in hostium regionem per simulationem, ac speciem legationis penetrasse. Nam illis temporibus munus Imperatorium erat, urbes administrare, exercitus ducere, atque ob id multi imperium reiiciebant, & unus ex his, iuuentutem suam omnem in regnando cum traduxisset, tandem laboris impatiens imperio se abdicauit, extremumque tempus ætatis suæ in uita priuata consumpsit. Atque ipsum quoque nomen Regis serò nostram in rempub. reuocatum esse, tibi demonstrabo, nec eo amplius populum Romanum, ex quo Tarquinius urbe eiecit, esse usum. ex eo enim nos hunc uobis honorem tribuimus, & reges appellamus & scribimus. uos autem siue scientes, siue nō, siue consuetudini hoc concedentes, arrogantiam istius appellationis repudiare uidemini: nam cum ad ciuitatem aliquam, uel ad hominem priuatum, uel ad præfectum, uel ad principem aliquem barbarum scribitis, nomen regium non usurpatis, sed Imperatorium: est autem nomen Imperatoris, nomen potestatis in exercitu, quam penes est summa potestas. etiam Iphicrates, & Pericles Athenis soluebant Imperatores, nec tamen nomen illud offendeat populum, eum dico, qui omnem potentiam maximo in odio habuit, sed ille ipse suffragijs suis imperium illud decernebat. Erat etiam Athenis magistratus quidam, cui rex nomen erat, exilia munia quædam obibat, referreque rationem cogeatur, quod scilicet populus illud nomen ludibrio haberet, cum libertate nimis intemperanter uteretur. Verum Imperator ille apud ipsos, nec solus rerum potiebatur, & erat ipsius tum nomen, tum etiam munus serium ac præclarum. Quis igitur est, qui inficias ire possit, apertum istud argumentum moderati in rep. Romanorum animi esse? Quod, quamuis unius dominatu omnia teneantur, odio tamen eorum malorum, quæ ex Tyrannide proficiuntur, nomen regium parè usurpatur.

usurpatur. Vnius enim dominatum inuisum reddit Tyrannis,
 at regnum maximè illum commendat. quod Plato diuinum ac
 summum inter mortales bonum nominat. illud uero quod di-
 uinæ naturæ compos est, ille ipse uult omni fastu atque super-
 bia uacare. Non enim Deus in omnium oculis, aut ut præ-
 stigarum magister quidam, sed tacita quadam ratione ius-
 tæ res humanas gubernat, omnibusq; in rebus paratus est opẽ
 ferre eis, qui eiusdem pacis & tranquillitatis participes esse
 studeant. Talem sanè ego uelim regem esse, hoc est commune
 quoddam bonum, & ab omni prorsus fastu abhorrere. Quod
 si Tyranni admirationem sui commouent se se abdèdo ac cum
 admiratione quadam prodeundo, nemo eis hoc uitio det, quo
 niàm penuria ueræ dignitatis ad simulationem descendere co-
 guntur. in quo enim nihil est frugis, quique hoc bene de se no-
 uit, fieri non potest, ut ille publicum conspectum non fugiat,
 contemptum cum fugit. At nemo in hodiernum usque diem
 solem contempsit, cum tamen nullum sit nobis hoc magis fa-
 miliare spectaculum. sic etiam Rex, si se uerum esse Regem co-
 gnoscit, & omnem culpam in publico frequens appareat: ni-
 hilo enim minus, uel etiam mehercules magis suspicietur clau-
 dum illum quidem regem, quem Xenophon in toto illo opere
 in cœlum fert, ludibrio habebant, neque ij quos ducebat, ne-
 que per quorum regionem ducebat, neque in quos exercitum
 ductabat, quamuis in locis maximè publicis frequens esset, &
 ab omnibus ijs conspiciebatur, quibus cordi erat intueri Spar-
 tanorum ducem. qui cum in Asiam parua cum manu transisset,
 prope hominem illum, quem innumerabiles gentes adorabant
 regno eiecit, fastum certe ipsius contudit. cum autem à magi-
 stratibus illi interdictum esset, ne in Asia bellum gereret, mul-
 tas ac illustres ex Græcis uictorias reportauit, neque eo alius
 quisquam in prælijs superior fuit, præter illū, à quo uno Age-
 silaum superari par erat, cum de frugalitate & partimonia con-
 tenderent. Epaminondas hic erat, quem ciuitates corona do-
 nantes ad epulum uocitabant, ille uerò ibat, nec enim aliter
 facere licebat ei qui in illa dignitate constitutus, omnes crimi-
 nis ex-

is expers esse uoluisset, & in illis conuiujs acidum acetum bibebat, ne, ut aiebat ipse, priuati sui uirtus in obliuionem unquam ueniret. cum autem adolescens quidam Atticus gladij eius manubrium irrisisset, quod ex uili ligno factum ac minimè elaboratum esset, hoc responsum ab eo tulit: Non mehercule cum decernemus manubriū experieris, sed aciem ferri, quam quidem tibi culpāre non licebit. Quod si regum est imperare, imperat autem is, qui eos habet in potestate quos oportet, ijsque institutis & uiuendi genere utitur, quo necesse est eum qui regere didicit, uidemusque non peregrinitate & fastu, sed moderatione, & temperantia omnia ex omnibus confici. exterminanda certè est ex imperio superbia & fastus, quoniam imperio cum rebus externis & à se alienis nihil rei esse debet. Atque hinc sanè oratio nostra huc processerat. reuocemus igitur & nos orationem nostram, unde egressa est, & tu Regem ad pristinum statum fac ut reducas. Necesse est enim si mores corrigentur, & modestia redierit, simul etiam cum his pristinam illam imperij maiestatem redire, omniaque illa mala quæ cum his pugnant in fugam dari ac tolli. Tu igitur ò Imperator fac sis istius reductionis princeps & auctor, daque operam ut Imperatorem ministrum imperij habeamus. nam in eo statu rerum sumus, in quo nihil est loci maiori segniciei, nec iam, ita me Deus amet, possumus longius pedem conferre, sumus enim nunc omnes maximo in periculo. Opus habet hic præsens rerum status, & Dei opti. Max. auxilio, & regis, qui fatum Imperij Romani, quod iam satis longum tempus parturit, prius e medio tollat, quàm illud existat. quod sanè fatum, reliquias orationis meæ simul persequens, & regis simulachrum absoluens, quod pulcherrimum effingere cœperam non longe abesse demonstrabo, nisi aliquis prudens & stenuus imperator prohibuerit, atque tu is sis qui prohibeat, ego, quantum in me est, contendam. Deus quidem bonis semper & ubique præstò est, ac propitius, nec eos unquam desertos esse sinit. Vnde ex industria in huius temporis statum incidi, relicto illo imperatoris simulachro, quod oratione nostra exprimere ac informare institueramus.

Postulabat Philosophia uti Rex frequens cū suis militibus uer-
 saretur, nec in thalamis delitesceret; demonstrabat enim beniuo-
 lentiam, quæ sola firmissimum præsidium Imperatoris est, quo-
 tidiano cōmertio, & usu colligi. Quo igitur cum genere mili-
 tum philosophus amatōr regis uolet, uti Rex corpus exerceat
 suum, & unā multum sit? Nimirum cum his quos agri, quos
 urbes, quos denique uniuersa regio, quæ eius imperio parer,
 propugnatores dat, & custodes deligit reip. ac legum, sub qui-
 bus alti atque instituti sunt. hi enim sunt quos Plato canibus si-
 miles esse dicit. Sed neque pastor unquam cum canibus lupos
 collocabit, etiam si ipsi, catuli quandam cum sublati essent, ci-
 cures iam effecti uidebuntur, alioqui illis magno cum pericu-
 lo gregem cōmitteret. nam siquando in canibus imbecillitatem
 aut ignauiam aliquam animaduuerint, & ipsos canes medijs-
 fidius, & gregem, & pastorem denique ipsum aggredientur.
 Neque legislator unquam arma concedet ijs, qui non sunt na-
 ti, & educati sub ipsius legibus: nullum enim ab his pignus be-
 niuolentiæ habet est: enim uiri plusquam audacis, uel uatis, po-
 tius cuiusdam, iuuentutem multam, alibi educatam, suis mo-
 ribus uiuentem, sua in regione arma tractantem, si uiderit, non
 extimescere. nam alterum horum statuendum est, aut eos om-
 nes studio sapientiæ deditos esse, aut si hoc non putemus, Tan-
 tali saxum tenui filo appensum impendere nostræ reipub. nam
 tum eam illi externi milites inuadent, quum sibi rem bene ces-
 suram existimabunt. Ac sane iā huius mali uelitationes quædā
 fiunt, iamque nonnullæ partes imperij ueluti corporis labo-
 rant, cum non possint ea quæ aliena sunt, cum ipso corpore co-
 alescere, & ad harmoniam sanam reduci. Secernenda autem
 esse, tam à corporibus, quam à ciuitatibus, ea omnia quæ sunt
 in ijs aliena, & Medici, & Imperatores censent. Exercitum e-
 nim non conscribere, qui illis opponi possit, & ueluti illi do-
 mestici sint; uacationem militiæ multis concedere, & permit-
 tere suos alijs rebus operam dare, Quid obsecro aliud est,
 quàm in propriam peruiciem ruere? cum æquum esset istos
 Scythas, qui hic arma gestant persequi, & ab ipsa agricultura
 propu-

gnatores accerfere, qui eam defenderent, atque tuerentur, ac sane usque adeo delectus habere, ut & Philosophis è scholis, & artificibus ex officinis, & tabernarijs è tabernis, & populo illo fœcundi de theatris, quibus pascitur excitato, persuadeamus tandem omnibus, ut rebus serijs prius studere incipiant, quam ritus in luctum uertatur, neve sinant sibi impedimento esse ullum genus pudoris, quominus populus Romanus suis uiribus nitebatur, & proprijs. Nam ut in familia, sic etiam in rep. defensio marium est, rerum autem domesticarum procuratio feminarum. Quomodo igitur ferre possumus partes uiriles in nostra repub. alienas, & externas esse? Quomodo uero turpissimis in rebus non est fortissimum imperium, concedere alijs principatum bellicæ gloriæ? atque me sanè, etiam si isti multas uictorias pro nobis decernendo consequerentur, harum tamen puderet. Illud quidem cogosco uideoque, perspicit enim id quisque mente præditus, si illi mares & fœminæ, neque germani, neque sanguinè coniuncti sint, fore ut illis etiam quàm minima occasio satis sit, ut armis instructi hominum urbanorum se dominos esse uelint. ac sanè decernent aliquando imbelles cum ijs qui se in armorum certamine exercuerunt. Prius igitur, quàm eo quo res tendit perueniatur, retuocandi nobis sunt Romanorum animi, & ita assuefaciendi, ut ipsi suo Marte vincere, & possint, & uelint, nec omnino societatem ullam cum Barbaris ineant, sed eos omnes despiciant, omnique loco funditus pellant. Primum itaque magistratu eijctantur, & procul à curiæ honoribus arceantur, quibus per summum dedecus ea obuenerunt, quæ olim apud Romanos habita sunt, & reipsa fuerunt honestissima. Nam & nunc Deam Themidem, quæ senatui, & illud alterum numen, quod exercitui præsidet obuolare se arbitror, cum cerhat hominem penula scortea indutum ducem esse chlamydatorum, & quâdo aliquis uillosam pellem exuens quam gestabat, togam sumit, de summaque rerum cum Romano magistratu consultat, prope ipsum consulem sedens, longè post eum sedentibus his, quibus iure optimo honos ille debebatur. atq; illi idem ubi paululum è curia egressi

ria egressi fuerint, pelles suas rursus induunt, togamq; Romanam apud suos derident, eo quod impediatur ensis educationem. Ego uerò cum multis alijs in rebus, tum uel maxime in eo hominum nostrorum stultitiam, satis mirari nequeo. Nulla est familia, quæ modo aliquibus diuitijs affluat, cui seruus scythæ nō sit, structor, cocus amphorarum gerulus, cuiq; est Scythæ. illi etiam pedissequi, qui humiles sellas in humeris gestant, super quibus domini eorum in foro sedeant, scythæ omnes sunt, tanquam illa natio, iam inde a maioribus suis, idonea declarata sit, ad Romanorum seruilis munia obeunda. At Flauos istos, & Euboico more comā alentes, apud eosdem mortales priuatum quidem operam dare, publicè uerò magistratus gerere, insolens spectaculum cum sit, maximam admirationem omnibus meritò mouere debet, & si hoc non est Enigma, aliud quod dici debeat Aenigma, non mehercule uideo. In Gallia quidem Crixus & Spartacus spectante populo Romano, in theatris & spectaculis, uelut piacula quædam, digladiari solebant, at postquam ij profugissent, & mala quibus afficiebantur ad animum reuocassent suum, bellum quod seruale appellatum est excita-uerunt: quo quidem grauius ac periculosius populus Romanus nullum gessit. ad horum enim conatus comprimendos, & consulibus & prætoribus, & Pompeij denique fortuna ipsis opus fuit, cum parum abfuerit, quin urbs funditus deleta sit. At qui illi qui cum Spartaco, & Crixo descuerant, neque cum illis, neq; inter sese ipsi eiusdem gentis erant, sed communis fortuna, occasionem nacta, concordēs ipsos reddiderat. à natura enim ipsa omnes serui dominorum hostes tum uel maximè efficiuntur, cum in spem ueniunt se eos uincere posse. Nūm uerò & apud nos ita se res habet? an non omnino maiorem materiam nos malorum alimus? non enim apud nos duo sunt, neq; obscuri ij, qui seditionem conflare possunt, uerum exercitus magni, & infesti, nostrisq; seruis sanguine cōiuncti, qui nescio quo infœlici fato in Romanum imperium influxerunt. illi suos duces habent, magnæ authoritatis uiros, non solum apud eos ipsos, sed etiam apud nos, quod malum nostra dedit sôcordia nobis,

nobis. Præter eos autem milites quos iam habent, seruos etiam nostros ipsis accessuros existimatore, seruos inquam crudeles, audaces, quique nullum genus sceleris adire dubitabunt, quò se in libertatem uindicent. Hæc itaque munitio nobis demolienda est, & interna causa morbi prius tollenda, quam seuulus quod latet patefaciat. in ipso enim principio mala facile tolluntur, at progressionem temporis maximè corroborantur. Purganda sunt Imperatori castra, non aliter ac cumulus quidam tritici, unde & speltam secernimus, & alia prope germinantia quæ generoso ac uero tritico nocumento esse possint. Quod si tibi uideor consilium dare, de his quæ facta non ita sint facilia, cogitare debes, & quorum tu Imperator sis, & de quo genere hominum uerba facimus, de eo nimirum quo cum Romani semper secunda prælia fecerunt, ex quo illorum nomen orbi cognitum est. Cunctos enim Romani, quibus cum illis res est, manu & consilio longè prætereunt, atque omnem orbem terrarum iidem iam peragrarunt, quemadmodum Deos ait Homerus:

Omnia dum peccata hominum benefactaque lustrant.

Scythas autem istos, & Herodotus narrat, & nos ipsi cer-nimus, morbo timiditatis laborare. hi enim sunt qui ubique terrarum seruitia explent, quique sedem stabilem, & domicilium certum nunquam habuerunt. Hinc prouerbum illud natum est, Schytarum solitudo, eo quod illi semper patriam fugiunt suam. Quos primum Cymenij, uti aiunt, qui res priscae memoriae mandarunt, e sedibus suis eiecerunt, deinde alij quidam, tum mulieres quoque, tum parentes uestri, tum etiam Macedo, à quibus pulsi, partim ad internas, partim etiam in externas regiones abierunt. nec prius hi finem fugæ faciunt quam ab insequentibus, ad eos qui è regione eorum habitant, fuerint depulsi. Nonnunquam tamen eos, quos nec opinantes adoriuntur aliquantisper perturbant, ut quondam Assyrios, Medos, & Palestinos. At ne nostra quidem ætate ad nos uenerunt animo bellandi, uerum supplices, cum rursus suis è sedibus excitati essent. cum autem Romanorum mores, sicuti in supplices decuit, humanissimos, & non arma experti essent genus il-lud

Iud Barbarum eam illis, quam eos par erat gratiam retulit: nā & insolens erat factum, & beneficium in se collatum non agnoscebat. quo nomine cum patri tuo, aduersus ipsos armato, meritis pœnas dedissent, rursus ad misericordiam eius confugeret supplices se, una cum uxoribus suis, ad pedes eius proiecerant: ille uero, qui quidem in bello semper superior fuit, misericordiam solum manus dabat, & supplices illos erexit, & belli sol eos a se uiuit, & ciuitate donauit, & omnium honorum participes fecit, partem deniq; Romani soli, sceleratis illis hominibus attribuit. Ille inquam uir, animi magnitudine ac generositate naturę ad clementiam usus est, sed Barbari quid sit uirtus nō intelligunt: nam propterea quod se illis pater tuus placibilem prębuit, nos in hanc usq; diem derident, non ignari, & quas pœnas meruerant, & quibus honoribus a nobis affecti sunt. Hac sanē iam fama humanitatis nostrę, etiam uicinis eorum ad nos uiam aperuit. aduentant enim iam ad nos, qui summa facilitate pręditi sumus, quidam sagittarij equestres petentes, ut se humanitate complectamur, illosq; nobis, utpote longe se inferiores, in exemplum proponunt. Atque hoc malum uidetur iam processisse ad eam quam uulgò persuationem necessitatis uocant. nam philosophia de uocabulis non laborat, sed quid sententię seruiat quærit, ac nonnūquam etiam illud quod humile est, ad rem explicandam assumit, modo id perspicuum & aptum esse constet. At profectò haud facile est, semel amissam recuperare famam, &

Sedibus hoste canes diros expellere nostris.

Verum si me audies, & difficultas illa facile tolletur; & res erit parui negotij; si inquam numerum militum adauxeris, si Romanos ad uirtutem excitaueris, si legiones domesticas conseripseris. adde amabò illud imperio, quod illi sua ipsius culpa deest, quodque Homerus uiris uirtute pręstantibus attribuit:

Ornat diuinos animi uehementia Reges.

Aduersus igitur istos barbaros animo uehementi atque concitato opus est, & mox uel agriculturę operam iussi dabunt, ut alia Messenij positis armis Lacedæmonijs seruitutem seruiant,

rint, uel eodem itinere quo uenerunt fugam capeissent, & nuntium afferent ijs qui trans alteram ripam Istri incolunt, non amplius esse apud Romanos illam facilitatem, sed ducem hos nunc habere iuuenem quendam, excelsi atque alti animi:

Acrem qui non fontem etiam reprehendere possit.

Atq; hæc dixisse sufficiat de educatione ac bellica institutione imperatoris. nunc autem qualis in toga esse debeat dicamus. Erit quidem bellator Imperator, sed tamen paci uel maxime consulere debebit. ille enim solus pacem potest colere, qui potens est, in eum qui damnum dedit, animaduertere. ac mea quidem sententia ille Imperator pacem optimè seruabit, atq; tuebitur, qui, cum ipse iniuriam facere nolit, prohibere etiam potest, ne ea aliquis suorum afficiatur. Bellum etiam aliquando suscipiet, nam nisi id fecerit, bello ipse lacessetur. est quidem pax multo beatior, quam sit bellum, quippe cum ob pacem bellum suscipiatur. quare cum pax finis sit belli, merito etiam bello anteponetur. Præclare itaque se res habebit, cum corpus imperij duabus è rebus constet, armata nimirum & inermi multitudine, si se Imperator utrique parti dederit. & si ubi à militibus discesserit commercium habuerit cum urbibus & populis, qui ut turò agros colere, & remp. administrare possint, opera militum iam consequuti sunt. Ita autem cum eis uersabitur, ut ipse eas ciuitates & regiones, quas adire poterit, lustret ac obeat, ad quas autem ciuitates suæ ditionis peruenire non poterit, earum curam geret, ea ratione, quæ illi omnium optima uidebitur. Legationes autem cum alijs in locis magni faciendæ sunt, tum maxime hoc loco: nam earum opera & usu poterit Imperator cognoscere remora nihilominus, quam propinqua. Neque solo oculorum sensu imperij curam definiet, uerum collapsa instaurabit, quamuis ea nunquam aspectu acceperit, egentibus populis opem feret, à tributis uindicabit eos, qui iam pridem eis uexantur, bellum etiam ueniens depellet, præfens uero poenitus extinguet, & si qua alia re opus erit, ipse diligenter prouidebit. Hanc utilitatem ex legationibus capiet, quod diuini numinis instar cuncta audire & cernere poterit.

rit. quibus & facilis ad eum patebit aditus, & ueluti pater aliquis, senem se ac benignum illis præbebit, siue à uicinis, siue à remotis populis ueniant. hoc enim uideo semper Homerum dicere, de illo suo pacifico rege. Primum igitur edicatur, ne milites molesti sint ciuibus ac uillarum incolis memores: quid labores ipsi eorum causa sustinuerint. Nam Imperator ideo bellum gerit, ut saluæ sint ciuium & rusticanorum hominum facultates, eamque ob causam manus cogit. ille enim qui à me externum hostem arcet, ipse autem crudeli ac immani in me est animo, nihil mihi differre uidetur à cane, qui eam ob rem lupos quam longissimè abigit, ut ipse per otium gregem dilaniet, quem par erat non ditripere gregem, sed contentum esse custodiæ mercede, nempe lacte ouium, quo se explebat. Quare certissima tum pax est, cum milites ita instituti sunt, ut inermes loco fratrum habeant, neque plus eo accipere contendant, quàm præscriptum est. Neque est regium, tributa intolerabilia ciuitatibus imperare. bono enim regi, quam ad rem amabò opus erit multa pecunia? cum neque animo dissolutio sumptus faciat, neque moderato usu omisso arrogantia studeat, neque iuuenili animo indulgens, ludis scenicis sudorem bonorum impendat, neque ulla necessitate adstringatur bellum frequenter uti gerat: cuius ut quidam La cedæmonius ait, non est aliquod dimensum pabulum. nam frugi atque modesto regi nullæ insidiæ tenduntur, nullus hunc aggredietur, ut ostendimus. congesta ergo tanta pecunia, quanta opus est ad res necessarias comparandas, iam redundantis nullus erit usus. at illa sine ulla molestia suorum confici poterit, si & nonnulla quædam, quamuis necessaria, remiserit, & his erit contentus, quæ eorum facultatibus, qui conferunt, respondeant. Rex porrò auarus caupone longè turpior est, nam hic inopiam rei familiaris subleuat, at illius animi prauitas, quid prætendat prorsus non habet. Equidem cum frequenter animo contemplari soleo, & prauitates ipsas uitiorum & quales nobis eos, qui illis adstricti sunt, efficiant, animaduerto etiam inter priuatos, hoc genus hominum quod pecuniæ cumulandæ deditum

tum est, omnium maximè abiectum; improbum, ac in primis illibèrale esse, cuique insola deprauata repub. locus non omnino ignominiosus sit, quippe cum hi etiam à se ipsis contemnantur, eo quod naturæ uoluntati cogitatio eorum repugnet in eo quod caput est & plurimi. natura enim corpus ad ministerium animi destinauit, res uerò externas ad usum corporis, cui ut posteriori, secundas partes dedit: at isti & animum & corpus cū tertio copulant. Qui igitur se ipsos ignominia afficiunt, & id quod in eis primas partes tenet in seruitutem dant, hi mediūfidiū nihil unquam præclari gerere, nihil cogitare poterunt. quos ego si formicis longè ignobiliores ac magis imprudentes esse dixerō, non profectō mentiri. nam hæ tantum solummodo quærunt, quantum satis est: at illi uitam ipsam metiuntur necessario usu quæstus. Quare abigenda est, tam ab Imperatore, quam huic à subditis tetra ista pestis, ut bene bonis imperare possit, & studium uirtutis reuocandum, in quo se & ipse Rex exercebit, & alijs, qui se se excolere uolent, præmia proponet. turpe etenim est, ut dixit quidam, exerceri publicè iaculis, & coëstibus, & coronas imponi ijs, qui palmam tulerunt, non autem exerceri frugalitate & uirtute. Certum equidem est ciuitates, si ita institutum, atque affectum regem habuerint, uitam uicturas priscam illam & auream, in qua & summa penuria omnium rerum malarum futura sit, & ingens ubertas bonarum, potissimumque pietatis, ad quam ducem se alijs præbebit Rex, deumque in exordio unius cuiusque rei inuocabit. est enim profectō iucundissimum, & audire & uidere regem in oculis populi ad cælum manus tendere, & adorare communem ac eundem cum populo suo Deum, ac sanè uerissimile est Deū Opt. Max. regis pij cultu ac ueneratione lætari, atque talem regem arcana quadam coniunctione sibi coniungere. Itaque cum sit ipse deo charus, etiam summo amore complectetur suos, & talem se suis præbebit, qualis in eum Deus fuerit. Atque in eiusmodi rege quod quæso officium desiderari poterit? nam ad ea se rursus refert oratio nostra, quæ paulò ante commemorata sunt, Inter regias notas posuimus beneficentiam,

nunc uerò extra illas, dicimus debere præterea esse Regem largitorem bonorum & propitium. hæc igitur ipsa & alia insuper quæ prius attuleramus, quàm recepissemus formam Imperatoris nos expressuros iam in membra conferantur, & simulachrū compleant. quorum illud erat summum, ne Rex, largitor cum sit bonorum, magis defatigetur benigne faciendo, quàm sol radios suos stirpibus & animantibus impertiendo. non enim ille splendorem emittendo languescit, cum natura ipsius splendorem comprehendat, & sit ipse fons lucis; Ipse igitur Rex, in istud uitæ genus ingressus, omnia illa per se ipsum reger, quæ sunt in dititione illius, eos uerò qui solio suo uicini sunt, quique principem locum inter omnes alios tenent, regia animi instructione, eo loco constituet, quo prosint alijs pro modo potestatis sibi attributæ. Atq; hac ratione cura hominum longius procedet, cum plurium manibus tractabitur. Sed tamen nihilominus necesse erit, cum tam amplum imperium sit, ut præfides ad eos mittat, qui longè distant. Deinde summa cum diligentia legendi, & æstimandi erunt illi, qui iudicijs præficiantur. hæc enim est diuina quædam & multiplex prouidentia. Cuncta enim loca, & omnes homines, ac singulas controuersias uelle cognoscere magnæ est circumcursionis, magnæ difficultatis, cui nè Dionysius ille quidem satisfacere potuit, quamuis uni insulæ, neq; ei toti imperaret. At paucorum procuratorum opera multorum curam habere possumus. hanc appellarunt deo conuenientem, & generalem quandam tutelam, quam in sublimi permanentem, atq; ad minimas etiam res respicientem, ne minimæ quidem res fugiunt. hoc genere tutelæ utens Deus, non ipse apud nos subtiliter efficit singula, sed natura, ueluti manu quadam, utitur, in sede sua ipse permanens, & est fons atq; auctor omnium prorsus bonorū, quippe cum ipse sit causa causarum. atq; hac ratione Imperatori reip. procuratio prosequenda est. Distribuat igitur principatum præsidibus quam fieri potest iustissimis & optimis. Longe enim facilius cognoscet paucos, quàm multos, & citius paucorum delicta aut benefacta animaduertet. Ex optimis itaque, non ex his quibus ampla

res est, ut nunc sit, legantur ij, quibus magistratus mandentur. nam nec his medicis committimus corpus, qui diuitijs affluunt, sed illis qui artis suae peritissimi habentur. hac sane multo magis qui magistratum geret legendus est, non locuples, sed gubernandi peritus, si quidem per eum plura uel melioris, uel deterioris status alean subire debent. Quid enim? si quis ex eo, quod uir nequa esset, opes congeffit, dignum ne est amabo huic magistratum committere? an potius homini pauperi illi quidem, sed probo tamen, & iusto quem ideo quod iustus est pauperem esse non pudeat? Ille enim qui opibus circumfluit, magistratu pecunia comparato, nesciet profecto iustitiam colere, atque ius suum unicuique tribuere. nam qui magistratum emit, hunc meo iudicio, non facile in iniustitiam odium capiet, nec is pecuniam pro nihilo ducet, sed ius pretio potius, quam aequitate describet. non enim credibile est, hunc toruis oculis aurum intrinsecum, uerum illud reueretur, ac amplectetur, ut cui acceptum referat, quod parte diuitiarum impensa tempus. comparauerit, & quod, uti res aliae solent, ita ciuitatum gubernationem mercede conduxerit. uidet enim se opera diuitiarum in magistratum uenisse, uidet se suspici, cum ab alia multitudine, tum etiam ab hominibus iustis, ac egentibus. Tu autem fac efficias, ut uirtus in admiratione omnium sit, ac plurimi fiat, quamuis homo pauper ea sit praeditus. non te latent ullius uiri prudentia, iustitia, ac coeterae omnes animi uirtutes, etiam si uili tegatur ueste, sed in medium producto hunc, & mandes uirtutem uti publicet suam, quam non decet in obscuro esse, uerum in luce & puluere. Non enim te praeterire debet, te in praesentia quidem illos praedicaturum, at qui ad omnem immortalitatem praedicetur eum te fore, quia beati regni specimen posteris praebueris. Quod si ita feceris, propediem cernes fore, ut nonnullos earum diuitiarum, quas tanto cum labore quaesierunt, pudeat, nonnullos uero uoluntaria paupertate gloriari. ac ideo in contrarium opiniones de diuitijs recident, quod parasse diuitias probro, paupertati uero studuisse, laudi sit futurum. Nam cum multa admiranda & praelara Deus Imperatoris maiestati

Stati tribuerit, tum nihil est; quod magis suspiciendum esse
 puteam, quam quod illa in animis populi tantam vim habeat.
 Imperator enim facile mutat opinionem moris; quamvis diu-
 turna consuetudine & usu confirmata sit, quoties apparet con-
 trarijs eum rebus honorem tribuere, atque eas plurimū facere.
 nam eas res quibus Imperator gaudet, necesse est statim augē-
 scere, multorumque studijs colit. Sed quoniam me in hunc lo-
 cum deduxit oratio, uolo quædam de amoribus meis nota fa-
 cere. Faxit Deus opt. max. ò Imperator, ut aliquando amore
 philosophiæ ac ueræ institutionis capiaris, ex his enim, quæ
 iam dicta sunt, perspicuum est, fieri non posse, ne non multos
 riuales, qui magni momenti futuri sunt, habeas. Nam ea nunc
 est hominum negligentia, ut periculum sit, ne studia philoso-
 phiæ ita extinguantur, ut ne scintilla quidem relinquatur, un-
 de si quando quis rursus ad ea se refferre uellet, accendi pos-
 sint. nunc igitur pro philosophia solum hæc uota suscepi? an il-
 la deteriore conditione non erit, etiam si apud mortales domi-
 cilium habuerit nullum? sedem enim illa domesticam habet
 apud Deum, cum quo quamuis hic sit, persepe tamen aliquid
 rerum agit, & quoties eam descendentem non recipit terrena
 hæc regio, apud patrem remanet, ac tum iure optimo illud no-
 bis decere possit; mihi non opus isto,

Est honor, ætherij patris sed lætor honore.

Verum res humanæ, ut hæc abest, utq; presens est, ita dete-
 riores seu meliores, uel prorsus beatæ, aut miseræ efficiuntur.
 pro his igitur uota feci, cum de philosophia feci, atque utinam
 compos esse possem uoti mei, cuius Plato compos esse non po-
 tuit. utinam te uideam in repub. administranda adhibere phi-
 losophiam. Neque me iam plura de regno optime admini-
 strando disserptem quisquam audiet, uerum iam tempus est
 ut finem dicendi faciam, uideor enim hoc uno omnia quæ uo-
 lebam complexus esse. Pollicitus quidem eram, me Imperato-
 ris effigiem tibi oratione expressurum: est enim oratio umbra
 rei, quod quidem iam me effecisse arbitror; à te uero uicissim
 petij, ut quam ego imaginem oratione, tu factis effingeres, ac
 expri-